



Fol. 288

Concilio generali (Cracov.) Ordini Prædicatorum  
Conclusiones theologice iuxta mentem  
D. Thomae Aquinatis. 1768.



Conclusions theologicas

4. Proverbia Dom. Art. 1. 1. 1.



CONCLUSIONES  
THEOLOGICÆ

Juxta

Mentem Divi THOMÆ  
Aquinas Angelici Quinti Ecclesiæ  
DOCTORIS  
Infra Solemnem Ejus Octavam

*Annō Nati Salvatoris 1768.*

*Mense Martio*

EXPOSITÆ.

UNIVERSITY OF CHICAGO



UNIVERSITY OF CHICAGO



EXTRACTATU  
De Voluntate DEI.

I.

**D**ivus Thomas ex gradu intellectivo efficaciter probat in DEO gradum volitivum.

II.

**S**ola Bonitas increata est objectum formale tam motivum, quam terminativum Voluntatis Divinæ.

III.

**D**EUM liberè velle & operari ad extra: est demonstrabile lumine naturali.

IV.

**A**ctus liber Dei superaddit actui necessario solam terminationem ad creaturam defectibilem, sub pura ratione terminationis, & indefectibilem, sub ratione entis & perfectionis.

V.

**D**EUS nullo modo amat creaturas possibiles.

VI.

**I**N DEO est verè & formaliter actus voluntatis, quo vult omnes homines salvos fieri.

VII.



**D**EUS absoluto & efficaci Decreto, antecedente consensu liberi arbitrii praevisu sub conditione, humanos actus prae-destinavit ab aeterno, salva eorum libertate.

Ex T R A C T A T U.

*De Praedestinatione.*

I.

**D**atur in Deo praedestinatio hominum, & fuit conveniens, & creaturae rationali summe necessaria.

II.

**P**raedestinatio essentialiter accepta, non consistit formaliter & in recto in actibus intellectus & voluntatis.

III.

**N**eq; consistit formaliter in actu voluntatis, neq; illum importat in recto.

IV.

**C**onsistit tamen in actu intellectus, de connotato autem & in obliquo, ac praesuppositive in actu voluntatis.

V.

**E**ssentia aeternae praedestinationis consistit formaliter in recto in imperio



Divino, supponente alios actus intellectus & voluntatis Divinæ.

VI.

**P**Rædestinatio est pars objectiva Divinæ Providentiæ.

VII.

**E**lectio efficax prædestinatorum ad gloriam, ante prævisa merita est in Deo independentem à scientia media.

VIII.

**P**Ræter voluntatem intentivam, est in Deo voluntas executiva efficax, quæ ex prævisione meritorum vult conferre prædestinatis gloriam ut coronam.

IX.

**O**pera bona moralia ex viribus naturæ humanæ elicitæ, nec de congruo, nec de condigno merentur primam gratiam auxiliantem, quæ est effectus prædestinationis.

X.

**H**omo ex viribus purè naturalibus nequæ disponere se potest ad primam gratiam.

XI.



XI.

**C**Hristus Dominus meruit omnibus suam prædestinationem, quo ad omnes effectus illius.

XII.

**S**ubstantia creata prædestinati est effectus imperatus prædestinationis,

XIII.

**P**ermissio peccati in electis est effectus prædestinationis.

Ex. T R A C T A T U

*De Gratia.*

I.

**P**Otuit homo creari à Deo in statu naturæ puræ, sine Gratia sanctificante.

II.

**P**Otuit etiam creari in eodem statu naturæ puræ, sinè dono integritatis & immortalitatis.

III.

**H**Omo in statu naturæ lapsæ potest absq; speciali Gratia cognoscere omnes veritates naturales tam speculativas, quàm practicas.

IV.



## IV.

**H**omo lapsus potest efficere aliqua opera moraliter bona intra ordinem naturæ absq; Gratia tam supernaturali fidei, quàm ordinis naturalis speciali & indebita.

## V.

**I**n statu naturæ puræ potuisset homo ex propriis viribus absq; speciali auxilio saltem ad breve tempus efficaciter affectivè diligere Deum super omnia, ut finem naturalem.

## VI.

**H**omo lapsus non potest efficaciter diligere Deum super omnia ut authorem naturæ absq; speciali Gratia.

## VII.

**N**equit homo lapsus ex solis viribus sine speciali Gratia omnia præcepta naturalia implere.

## VIII.

**H**omo justus cùm communibus auxiliis Gratiæ nequit vitare omnia peccata venialia collectivè ad longum tempus & per totam vitam sed indiget specialissima Gratia & Privilegio.

## IX.



## IX.

**H**omo lapsus ad vincendam gravem tentationem ex fine honesto indiget speciali gratia.

## X.

**N**emo ex solis naturæ viribus sine auxilio gratiæ specialis potest se ad gratiam habitualement, consequendam præparare, sic, ut eam de condigno mereatur.

## XI.

**O**pera moraliter bona Deum non movent ad dandam Gratiam auxiliantem nec de congruo, ex Dei Lege vel pacto inito cum Christo, quod facienti ex viribus naturæ quod in se est DEUS daturus sit Gratiam.

## XII.

**P**ræter Gratiam habitualement cum auxiliis annexis ad diu perseverandum in Gratia requiritur aliud specialissimum donum ab illis distinctum ad perseverandum usq; in finem vitæ.

## XIII.

**G**ratia habitualis est formalis & physica participatio Divinæ naturæ.

## XIV.

**G**ratia habitualis realiter distinguitur à charitate.

## XV.

**G**ratia creata interna convenienter dividitur in gratum facientem & gratis datam.

## XVI.



XVI.

**N**ulla creatura quantumcunq; perfecta potest  
esse causa principalis gratiæ sanctificantis.

XVII.

**E**fficacia Divinæ Gratia consistit in motione  
Dei physicè prædeterminante.

XVIII.

**D**EUS est causa Gratia, non eam creando, sed  
de potentia obedientiali animæ eam deducendo.

XIX.

**N**emo in hac vita positus, absq; speciali reve-  
latione sibi facta tenetur aut potest, certitudi-  
ne fidei Divinæ certò credere, aut scire, se habe-  
re Gratiā coram Deo.

XX.

**H**omo justus non potest esse certus de sua ju-  
stitia, certitudine comparata per discursum ex  
una præmissa supernaturali, & alia naturali.

---

*Disputabuntur publicè in Conventu & Studio Ge-  
nerali Cracoviensi Ordinis Prædicatorum, Annò  
Mense atq; Diebus ut supra.*

Ad

M. D. G. B. V. M. H. S. T. A. A. E. D. OOq; SS.  
perennem Venerationem.





Biblioteka Jagiellońska



stdr0026377



